

BOSNIA AND HERZEGOVINA  
FEDERATION OF BOSNIA AND HERZEGOVINA

GOVERNMENT

Bosna i Hercegovina  
Federacija Bosne i Hercegovine

**PARLAMENT FEDERACIJE**

SARAJEVO

Broj: 03-02-775/2015  
Sarajevo, 28.07.2022. godine

Primljenio: 28 -07- 2022			
Org. jed.	V r o j	Priloga	Vrijednost
02 - 02 -	1264 /16		

**PARLAMENT FEDERACIJE  
BOSNE I HERCEGOVINE**

- Dom naroda  
gosp. Tomislav Martinović, predsjedavajući

**VRLO HITNO**

**PREDMET: Izjašnjenje Vlade Federacije Bosne i Hercegovine o amandmanima na  
Prijedlog zakona o šumama**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o amandmanima na Prijedlog zakona o šumama, koje su podnijeli Ivan Ivić i Stipan Šarac, delegati u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 326. sjednici, održanoj 28.07.2022. godine.

Izjašnjenje se dostavljaja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo poljoprivrede, vodoprivrede i šumarstva  
gosp. Šemsudin Dedić, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o šumama, koje su podnijeli Ivan Ivić i Stipan Šarac, delegati u Domu naroda Parlamenta Federacije BiH, Vlada Federacije Bosne i Hercegovine je, na 326. sjednici, održanoj 28.07.2022. godine, utvrdila sljedeće:

**IZJAŠNJENJE**  
**o amandmanima na Prijedlog zakona o šumama, koje su podnijeli Ivan Ivić i Stipan Šarac,**  
**delegati u Domu naroda Parlamenta Federacije BiH**

**AMANDMAN I**

Član 7, stav (6) prijedloga Zakona o šumama (u daljem tekstu p-ZOŠ), mijenja se i glasi: „Kantonalno ministarstvo je dužno prilikom izrade plana zatražiti od svih zainteresovanih strana prijedloge i mišljenja“.

**IZJAŠNJENJE**  
**Amandman se može prihvati**  
**Obrazloženje**

Ovaj amandman se može prihvati, ali je potrebno izvršiti dodatne konsultacije sa Savezom općina i gradova u Federaciji Bosne i Hercegovine.

**AMANDMAN II**

Član 8. stav (2) prijedloga Zakona o šumama (u daljem tekstu p-ZOŠ), mijenja se i glasi: „Inventuru šuma provodi kantonalna uprava za šumarstvo (u daljem tekstu: Kantonalna uprava) u saradnji s Federalnom upravom“.

**IZJAŠNJENJE**  
**Amandman se ne može prihvati**  
**Obrazloženje**

Inventura šuma na velikim površinama se radi za područje Bosne i Hercegovine, odnosno Federacije Bosne i Hercegovine te je potrebno da istom rukovodi i da je provodi Federalna uprava u saradnji sa kantonalnim upravama. Podatke o inventuri šuma treba da obrađuje i objavljuje Federalna uprava za šumarstvo za područje čitave Federacije Bosne i Hercegovine, a ne da se radi pojedinačno po kantonima.

**AMANDMAN III**

Na član 9. stav (6) p-ZOŠ glasi:

„Odluku o formiranju šumskoprivrednih područja ili reviziji njihovih granica donosi Vlada Federacije BiH na prijedlog Federalnog ministarstva koji se temelji na stručnom elaboratu iz stava (5) ovog člana, mišljenju kantonalnog ministarstva i saglasnosti vlade kantona“.

**IZJAŠNJENJE**  
**Amandman se prihvata**

#### **AMANDMAN IV**

Na član 10. stav (3) mijenja se i glasi:

„Izuzev od odredaba stava (1) ovog člana, ako ne postoje objektivne mogućnosti pravovremene izrade nove šumskoprivredne osnove, šumama u vlasništvu države i privatnom vlasništvu može se gospodariti najduže tri godine na osnovu privremenog godišnjeg plana gospodarenja za koji je postupak donošenja isti kao za šumskoprivredne osnove, Odredbe privremenog godišnjeg plana gospodarenja su obavezne. Godina izvršenja privremenog godišnjeg plana gospodarenja smatra se godinom izvršenja nove šumskoprivredne osnove”.

#### **IZJAŠNJENJE**

##### **Amandman se ne može prihvati**

##### **Obrazloženje**

Izrada šumskoprivredne osnove se treba blagovremeno planirati u cilju obezbeđenja kontinuiteta gospodarenja šumama. Ukoliko u zadnjim godinama prije isteka važeće šumskoprivredne osnove nije moguće pristupiti izradi nove šumskoprivredne osnove, članom 10. stav 3. Prijedloga ostavlja se mogućnost da se ovaj posao završi u godini nakon isteka važenja šumskoprivredne osnove.

#### **AMANDMAN V**

Na član 11. stav (2) p-ZOŠ glasi:

„Federalni ministar poljoprivrede, vodoprivrede i šumarstva (u daljem tekstu: federalni ministar) izdaje saglasnost na period od pet godina za izvođenje poslova izrade šumskoprivredne osnove privrednom društvu koje ispunjava uslove iz stava (1) ovog člana”

#### **IZJAŠNJENJE**

##### **Amandman se prihvata**

#### **AMANDMAN VI**

Član 11. stav (3) p-ZOŠ mijenja se i glasi:

„Federalna uprava raspisuje javni poziv za izradu šumskoprivredne osnove za šume u vlasništvu države i odgovorna je za njenu pravovremenu izradu. Federalna uprava je dužna najmanje 120 dana prije isteka roka važnosti šumskoprivredne osnove, dostaviti novoizrađenu osnovu u elektronskoj i pisanoj formi Federalnom ministarstvu. Uz osnovu se dostavljaju prethodne saglasnosti kantonalnog ministarstva i organa nadležnog za vode, a koje su isti dužni dostaviti najkasnije u roku od 30 dana od dana prijema zahtjeva za njihovo izdavanje. Šumskoprivredna osnova se dostavlja jedinici lokalne samouprave radi davanja mišljenja, koju je dužna izdati u roku od 30 dana.“

#### **IZJAŠNJENJE**

##### **Amandman se može prihvati**

##### **Obrazloženje**

Ovaj amandman se može prihvati, ali je potrebno izvršiti dodatne konsultacije sa Savezom općina i gradova u Federaciji Bosne i Hercegovine.

#### **AMANDMAN VII**

Član 11. stav (6) p-ZOŠ mijenja se i glasi:

„Šumskoprivredne osnove za šume u privatnom vlasništvu donosi kantonalni ministar nadležan za poslove šumarstva (u daljem tekstu: kantonalni ministar) na osnovu prijedloga stručne komisije, uz prethodno pribavljeno mišljenje jedinice lokalne samouprave i organa nadležnog za vode koje su isti dužni dostaviti kantonalnom ministarstvu najkasnije u roku od 30 dana od dana prijema zahtjeva za njihovo izdavanje”.

#### **IZJAŠNJENJE**

##### **Amandman se može prihvati**

##### **Obrazloženje**

Ovaj amandman se može prihvati, ali je potrebno izvršiti dodatne konsultacije sa Savezom općina i gradova u Federaciji Bosne i Hercegovine. Međutim, potrebno je ostaviti odredbu da se u

postupku donošenja šumskoprivredne osnove pribavlja saglasnost organa nadležnog za vode tako da bi tekst člana 11. stav (6) glasio:

„Šumskoprivredne osnove za šume u privatnom vlasništvu donosi kantonalni ministar nadležan za poslove šumarstva (u daljem tekstu: kantonalni ministar) na osnovu prijedloga stručne komisije, uz prethodno pribavljeno mišljenje jedinice lokalne samouprave i saglasnost organa nadležnog za vode koje su isti dužni dostaviti kantonalnom ministarstvu najkasnije u roku od 30 dana od dana prijema zahtjeva za njihovo izdavanje“.

### **AMANDMAN VIII**

Član 11. stav (9) p-ZOŠ mijenja se i glasi:

„Korisnici šuma dužni su godišnje izdvajati naknadu u iznosu od 1,5% od ukupnog prihoda ostvarenog prodajom drveta i nedrvnih šumskih proizvoda na namjenski račun Federacije BiH radi finansiranja izrade šumskoprivrednih osnova i nadzora nad izradom šumskoprivredne osnove za šume u vlasništvu države“.

#### **IZJAŠNJENJE** Amandman se ne prihvata Obrazloženje

Poslanik u Predstavničkom domu Parlamenta Federacije BiH Bajro Makić, dao je svoje amandmane na član 11. st. 9. i 10. kojim se predviđa da osnovica za obračun naknade za izradu šumskoprivrednih osnova umjesto ukupno ostvarenog prihoda prodajom drveta bude ukupno ostvareni prihod od prodaje drveta računajući cijenu drveta na panju, pozivajući se da je ista osnovica propisana i za naknadu za korištenje državnih šuma. Obzirom da je utvrđeno da je predložena osnovica povoljnija za korisnike šuma predloženo je da se amandmani poslanika Bajre Makića uvaže i da se na ovaj način umanjuje opterećenje za korisnika šuma, a što je, za pretpostaviti, bila i namjera podnošenjem ovog amandmana od strane Kluba zastupnika HDZ-HNS.

### **AMANDMAN IX**

Član 11. stav (10) p-ZOŠ, briše se.

#### **IZJAŠNJENJE** Amandman se ne prihvata Obrazloženje

Obrazloženje je isto kao za Amandman VIII.

### **AMANDMAN X**

Član 27. stav (6) mijenja se i glasi:

„Privremeno oduzimanje drveta i nedrvnih šumskih proizvoda (zapljena) koji su stavljeni u promet u suprotnosti s odredbama ovog člana na šumskim, lokalnim i regionalnim putevima vrše čuvari šuma, pripadnici policije i nadležni šumarski inspektor u skladu sa važećim propisima koji se odnose na krivičnu, odnosno na prekršajnu odgovornost, a privremeno oduzimanje drveta i nedrvnih šumskih proizvoda (zapljena) koji su stavljeni u promet u suprotnosti s odredbama ovog člana na magistralnim putevima vrše čuvari šuma uz prisustvo pripadnika policije i nadležni šumarski inspektor, dok privremeno oduzimanje sredstava kojima je izvršena nezakonita radnja vrše pripadnici policije i nadležni šumarski inspektor u skladu sa važećim propisima koji se odnose na krivičnu odnosno prekršajnu odgovornost. Privremeno oduzeti šumski proizvodi pohranjuju se na mjestu koje odredi korisnik šuma. U slučaju da postoji mogućnost da se u toku pohranjivanja šumskim proizvodima umanji vrijednost, zaplijenjenu robu licitacijom će prodati korisnik šuma. Ostvarena finansijska sredstva se deponuju na poseban račun korisnika šuma i s istim se ne može raspolagati do okončanja sudskog postupka“.

#### **IZJAŠNJENJE** Amandman se prihvata

## **AMANDMAN XI**

Član 20. mijenja se i glasi:

- (1) Za obavljanje stručnih poslova u šumarstvu polaze se stručni šumarski ispit pred komisijom koju imenuje kantonalni ministar.
- (2) Stručni šumarski ispit mogu polagati diplomirani inženjeri šumarstva sa VII 1. stepenom VSS, masteri šumarstva i bačelori šumarstva koji su stekli ova zvanja po Bolonjskom procesu obrazovanja, s najmanje dvije godine radnog iskustva u struci nakon sticanja stručnog zvanja u kantonu gdje kandidat ima prebivalište,
- (3) Polaganja stručnog šumarskog ispita oslobođeni su diplomirani inženjeri šumarstva, masteri šumarstva i bačelori šumarstva s više od pet godina radnog iskustva u struci nakon sticanja stručnog zvanja kao i magistri i doktori šumarskih nauka.
- (4) Federalni ministar donosi Okvirni pravilnik o polaganju stručnog šumarskog ispita, a Kantonalni ministar donosi Pravilnik po kojem se razrađuju uslovi i način polaganja stručnog šumarskog ispita.

### **IZJAŠNJENJE**

#### **Amandman se ne može prihvati**

#### **Obrazloženje**

Pravilnikom o polaganju stručnog šumarskog ispita koji donosi federalni ministar bit će uređene sve pojedinosti oko polaganja samog ispita pa tako i mjesto njegovog polaganja koje ne mora biti u sjedištu Federalnog ministarstva, odnosno ostaviti mogućnost da se šumarski ispit polaze po kantonima.

## **AMANDMAN XII**

Član 30. stav 1., tačka a), ispred riječi "zakon" umetnuti riječ „važeći" i brisati riječi „(Službene novine Federacije BiH, br. 66/13)".

### **IZJAŠNJENJE**

#### **Amandman se ne može prihvati**

#### **Obrazloženje**

Pravilima i postupcima za izradu zakona i drugih propisa Federacije Bosne i Hercegovine propisano je da se pozivanje na druge propise vrši pozivanjem na naziv propisa, označavajući u zagradi pod navodicima naziv, broj i godinu objavljivanja službenog glasila u kojem je objavljen propis na koji se poziva, sa svim izmjenama i dopunama.

## **AMANDMAN XIII**

Član 33. stav (5) mijenja se i glasi :

„Izuzetno od člana 13. stav (4) ovog Zakona, saglasnost na godišnji plan realizacije šumskoprivredne osnove za šume iz člana 32. ovog Zakona daje kantonalno ministarstvo na prijedlog kantonalne uprave“.

### **IZJAŠNJENJE**

#### **Amandman se ne može prihvati**

#### **Obrazloženje**

Obzirom da je u članu 13. stav (2) Prijedloga propisano da se gospodarenje šumama na kršu sufinansira iz namjenskih sredstava Federacije i namjenskih sredstava kantona, a koja se uplaćuju na račun korisnika šuma, to je u cilju obezbjeđenja tih sredstava iz Budžeta Federacije potrebno da na godišnji plan realizacije šumskoprivredne osnove (koji sadrži plan prihoda i rashoda i projekte) saglasnost daje Federalna uprava na prijedlog kantonalne uprave.

## **AMANDMAN XIV**

Član 42. stav (1) p-ZOŠ glasi:

Šumska infrastruktura služi prvenstveno za potrebe gospodarenja šumama, sastavni je dio šume" i izgradnja šumske infrastrukture ne treba biti predviđena planom prostornog uređenja.

**IZJAŠNJENJE**  
**Amandman se prihvata**

**AMANDMAN XV**

Na član 46, p-ZOŠ glasi:

„Šumama i šumskim zemljištima u vlasništvu države upravljaju Federalno ministarstvo i kantonalno ministarstvo u skladu sa odredbama ovog Zakona”.

**IZJAŠNJENJE**  
**Amandman se prihvata**

**AMANDMAN XVI**

Član 50. stav (2) p-ZOŠ glasi:

„Izuzev od odredbe stava (1) ovog člana promet šuma u vlasništvu države može se vršiti samo u svrhu arondacije i komasacije, kao i putem zamjene zemljišta. Rješenje o zamjeni šume i šumskog zemljišta donosi Federalno ministarstvo, uz prethodno pribavljenu saglasnost kantonalnih ministarstava ako se radi o parcelama koje se nalaze na području različitih kantona. Za parcele koje se nalaze u granicama kantona rješenje o zamjeni šume i šumskog zemljišta donosi kantonalni ministar uz predhodno mišljenje kantonalne uprave. Na osnovu pravosnažnog rješenja o zamjeni zemljišta zaključuje se ugovor o zamjeni zemljišta koji u ime Federacije BiH potpisuje federalni ministar za parcele koje se nalaze na području različitih kantona, odnosno kantonalni ministar za parcele koje se nalaze na području kantona“.

**IZJAŠNJENJE**  
**Amandman se ne može prihvati**  
**Obrazloženje**

Ne prihvata se, obzirom da se amandmanom Vlade Federacije Bosne i Hercegovine ukida mogućnost prometa šume i šumskog zemljišta u vlasništvu države putem zamjene zemljišta.

**AMANDMAN XVII**

Član 53. stav (3) p-ZOŠ glasi:

„Odluku o osnivanju šumskoprivrednog društva donosi Skupština kantona na osnovu stručnog elaborata o opravdanosti njegovog formiranja i uz prethodno pribavljenu saglasnost Vlade kantona. Stručni elaborat o opravdanosti formiranja šumskoprivrednog društva naročito treba sadržavati podatke o području na kojem će gospodariti, održivom gospodarenju šumama, prihodima i rashodima i potrebnom broju zaposlenika za njegovo funkcionisanje. Stručni elaborat može izraditi naučno-istraživačka ustanova iz oblasti šumarstva“.

**IZJAŠNJENJE**  
**Obrazloženje**

Ovaj amandman se ne može prihvati u dijelu koji se odnosi na davanje saglasnosti Vlade Federacije BiH u proceduri donošenja odluke o osnivanju šumskoprivrednog društva.

Obzirom da su, u skladu sa odredbama Ustava Federacije BiH - III. (2) c), h), federalne vlasti i kantoni zajednički nadležni za politiku zaštite čovjekove okoline i korištenje prirodnih bogatstava, smatramo da i federalni organi trebaju biti uključeni u proceduru donošenja odluke o osnivanju šumskoprivrednog društva.

Potrebno je izvršiti dodatne konsultacije sa Savezom općina i gradova u Federaciji Bosne i Hercegovine vezano za pribavljanje saglasnosti jedinice lokalne samouprave u toku procedure donošenja odluke o osnivanju šumskoprivrednog društva.

Nakon djelimično usvojenog amandmana, član 53. stav 3. bi glasio:

„Odluku o osnivanju šumskoprivrednog društva donosi skupština kantona na osnovu stručnog elaborata o opravdanosti njegovog formiranja i uz prethodno pribavljeno mišljenje jedinice lokalne

samouprave i saglasnosti Vlade Federacije BiH. Stručni elaborat o opravdanosti formiranja šumskoprivrednog društva naročito treba da sadrži podatke o području na kojem će gospodariti, održivom gospodarenju šumama, prihodima i rashodima i potrebnom broju zaposlenika za njegovo funkcioniranje. Stručni elaborat može izraditi naučno-istraživačka ustanova iz oblasti šumarstva.“

### **AMANDMAN XVIII**

Član 53. stav (4) p-ZOŠ glasi:

„Izuzev od stava (1) ovog člana, zastupničko tijelo jedinice lokalne samouprave može pokrenuti inicijativu kantonalnom ministarstvu za osnivanje novog šumskoprivrednog društva. Zahtjev sa stručnim elaboratom o opravdanosti formiranja šumskoprivrednog društva kantonalno ministarstvo podnosi Vladi kantona radi davanja saglasnosti, a konačnu odluku o formiranju novog šumskoprivrednog društva donosi Skupština kantona. Ukoliko na području kantona već posluje šumskoprivredno društvo kojem se treba smanjiti površina šuma kojim gospodari inicijativa treba sadržavati i elaborat s podacima o području na kojem će gospodariti, održivom gospodarenju šumama, prihodima i rashodima i potrebnom broju zaposlenika za funkcionisanje tog postojećeg društva“.

### **IZJAŠNJENJE**

#### **Amandman se ne može prihvati**

##### **Obrazloženje**

Obzirom da su, u skladu sa odredbama Ustava Federacije BiH - III. (2) c), h), federalne vlasti i kantoni zajednički nadležni za politiku zaštite čovjekove okoline i korištenje prirodnih bogatstava, smatramo da i federalni organi trebaju biti uključeni u proceduru donošenja odluke o osnivanju šumskoprivrednog društva.

### **AMANDMAN XIX**

Član 53 stav (6) p-ZOŠ glasi:

„Na prijedlog kantonalnog ministarstva, Vlada kantona ugovorom prenosi poslove gospodarenja šumama u vlasništvu države šumskoprivrednom društvu na period od deset godina. Šumskoprivredno društvo ne može gospodariti šumama u vlasništvu države bez zaključenog ugovora o prenosu poslova gospodarenja i ukoliko ne ispunjava i druge uslove propisane odredbama ovoga Zakona“.

### **IZJAŠNJENJE**

#### **Amandman se može djelimično prihvati**

##### **Obrazloženje**

Obzirom da se, u skladu sa odredbama Ustava Federacije BiH - III. (2) c), h), radi o podijeljenoj nadležnosti između Federacije BiH i kantona, te obzirom da kanton osniva šumskoprivredno društvo potrebno je da Federacija BiH sa njim zaključuje ugovor.

Nakon djelimično usvojenog amandmana, član 53. stav 6. bi glasio:

„Na prijedlog vlade kantona, Vlada Federacije ugovorom prenosi poslove gospodarenja šumama u vlasništvu države šumskoprivrednom društvu na period od deset godina. Šumskoprivredno društvo ne može gospodariti šumama u vlasništvu države bez zaključenog ugovora o prenosu poslova gospodarenja i ukoliko ne ispunjava i druge uslove propisane odredbama ovoga Zakona.“

### **AMANDMAN XX**

Član 53. stav (13) p-ZOŠ glasi:

„Za direktora korisnika šuma može se imenovati lice koje ima završen fakultet VII/1 stepena stručne spreme najmanje pet godina radnog iskustva u struci nakon završenog visokog obrazovanja“.

**IZJAŠNJENJE**  
**Amandman se ne prihvata**  
**Obrazloženje**

Imajući u vidu da je šumarstvo specifična grana privrede i na odgovornim rukovodećim funkcijama neophodno je da su osobe sa visokim obrazovanjem iz ove oblasti, u suprotnom više se posvećuje pažnja visini profita koji se izvlači iz šume nego stanju šuma i ulaganju u šumsko-uzgojne radove što dugoročno dovodi do uništavanja ovog resursa.

**AMANDMAN XXI**

Član 55.stav (2) koji glasi:

„Cijena drveta na panju i iznos naknade za korištenje šuma u vlasništvu države prikazuje se na izvještaju koji korisnik šuma dostavlja Federalnoj upravi, kantonalnoj upravi i jedinici lokalne samouprave na čijem teritoriju je ostvaren promet šumskih proizvoda, a u roku od pet dana od dana uplate naknade za protekli mjesec”.

**IZJAŠNJENJE**  
**Amandman se prihvata**  
**Obrazloženje**

Obzirom da se amandman prihvata, potrebno je izmijeniti i kaznenu odredbu u članu 83. stav (1), tačka o) koja bi glasila:

„o) ne plaća naknadu za korištenje šuma u vlasništvu države i ne dostavi izvještaj o cijeni drveta na panju i iznosu naknade za korištenje šuma u vlasništvu države (član 55);“

**AMANDMAN XXII**

Član 62. stav (4) koji glasi:

„Plan prostornog uređenja iz stava (3) ovog člana donosi se na osnovu pribavljenog mišljenja kantonalnog ministarstva ukoliko se predviđa zahvatanje šumskog zemljišta površine manje od dva hektara, odnosno Federalne uprave, za površine veće od dva hektara”.

**IZJAŠNJENJE**  
**Amandman se prihvata**

**AMANDMAN XXIII**

Član 63. stav (5) mijenja se i glasi:

„Naknada koja se ostvaruje na osnovu zakupa uplaćuje se kao prihod budžeta Federacije BiH u iznosu od 40% i prihod budžeta kantona u iznosu od 60%“.

**IZJAŠNJENJE**  
**Amandman se ne može prihvati**  
**Obrazloženje**

Ne prihvata jer se ne radi o korištenju prirodnih bogatstava i pored naknade za uspostavu služnosti na državnom šumskom zemljištu jedini je nenamjenski prihod Federacije BiH po osnovu ovog zakona.

**AMANDMAN XXIV**

Član 64. stav (3) mijenja se i glasi:

„Naknada koja se ostvaruje na osnovu zasnivanja prava služnosti iz stava (1) ovog člana uplaćuje se kao prihod budžeta Federacije BiH u iznosu od 40% i prihod budžeta kantona u iznosu od 60%“.

**IZJAŠNJENJE**  
**Amandman se ne može prihvati**  
**Obrazloženje**

Ne prihvaća jer se ne radi o korištenju prirodnih bogatstava i pored naknade za zakup državnog šumskog zemljišta jedini je nemamjenski prihod Federacije BiH po osnovu ovog zakona.

**AMANDMAN XXV**

Član 66 stav (2) koji glasi:

„Kantonalna Uprava za šumarstvo u skladu sa odredbama ovoga Zakona obavlja i sljedeće poslove:

- a) osigurava neposrednu zaštitu državnih šuma putem čuvarske službe
- b) prikuplja podatke i vodi bazu podataka o stanju i razvoju svih šuma i vodi evidenciju stanja šuma i šumskog zemljišta na području kantona i dostavlja ih Federalnoj upravi;
- c) priprema kantonalni šumsko-razvojni plan i podnosi ga vlasti kantona;
- d) provodi inventuru šuma na velikim površinama;
- e) raspisuje javni poziv i provodi postupak za izradu šumskoprivredne osnove za privatne šume i vodi evidenciju njenog važenja;
- f) osigurava nadzor nad izradom šumskoprivredne osnove za privatne šume;
- g) prati realizaciju šumskoprivrednih osnova za šume u vlasništvu države i privatne šume putem godišnjih planova realizacije;
- h) prati zdravstveno stanje šuma i prati stanje i stepen oštećenosti šuma i o tome obavještava Federalnu upravu;
- i) nalaže vlasniku privatne šume poduzimanje adekvatnih mjera radi sprječavanja širenja biljnih bolesti i štetočina;
- j) prati izvršenje ugovornih obaveza koji se odnose na šume u vlasništvu države i o tome obavještava Federalno ministarstvo;
- k) prati realizaciju programa zaštite šuma;
- l) obavještava i dostavlja podatke o šumskim požarima Federalnoj upravi i civilnoj zaštiti;
- m) usaglašava šumskoprivredne osnove s prostornim planovima, planovima upravljanja vodama i planovima upravljanja poplavnim rizikom, lovno-privrednim osnovama, evidencijama koje se vode u zavodu za zaštitu kulturno-istorijskog i prirodnog naslijeđa i federalnim programom upravljanja mineralnim sirovinama i planovima upravljanja s pojedinim mineralnim sirovinama;
- n) prati i analizira ekonomsko stanje u oblasti šumarstva na području kantona i podatke s izvještajem o transparentnom načinu prodaje šumskih drvnih sortimenata i njihovim cijenama i dostavlja ih Federalnoj upravi;
- o) priprema i izrađuje programe iz oblasti šumarstva i lovstva koji se finansiraju ili sufinansiraju iz namjenskih sredstava budžeta kantona;
- p) priprema i daje mišljenje za proglašenje zaštitnih i šuma s posebnom namjenom na način propisan ovim Zakonom;
- q) provodi strategiju borbe protiv korupcije u saradnji s Federalnom upravama;
- r) organizuje savjetovanja i pruža stručnu pomoć korisniku i vlasnicima privatnih šuma;
- s) izrađuje planove za izgradnju i održavanje šumskih cesta i zaštitu izvorišta i vodotoka unutar šumskih resursa koji se finansiraju iz budžeta kantona, uz saglasnost nadležnog organa za poslove voda;
- t) upoznaje javnost sa stanjem šuma i izdaje odgovarajuće stručno-popularne publikacije o stanju šuma i njihovom značaju;
- u) obavlja poslove iz člana 67. stava (8) tač. c), d), e), f), g), h), j), l), m), n) i o) ovoga Zakona za šume i šumsko zemljište u državnom i privatnom vlasništvu;
- v) podnosi prekršajne i krivične prijave za nezakonitu sjeću u privatnim šumama;
- z) obavlja i druge poslove i zadatke koji proizlaze iz ovoga Zakona, Zakona o sjemenu i sadnom materijalu i drugih propisa“

**IZJAŠNJENJE**  
**Amandman se ne prihvata**  
**Obrazloženje**

Zbog efikasnije zaštite šuma i šumskog zemljišta potrebno je da čuvarska služba bude u sastavu korisnika šuma. Korisnik šuma dužan je u roku od tri mjeseca od dana zaključivanja ugovora o

prenosu poslova gospodarenja šumama u vlasništvu države preuzeti zaposlenike koji su bili zaposleni u kantonalnim upravama za šumarstvo na poslovima neposredne zaštite šuma bez javnog poziva i rasporediti ih na odgovarajuće poslove, a u skladu sa stručnom spremom i radnim iskustvom. Na taj način zaposlenici iz kantonalnih uprava koji su bili angažovani na poslovima čuvanja šuma neće ostati bez posla.

## **AMANDMAN XXVI**

U članu 66. dodaje se stav (5) koji glasi:

Za direktora Uprave za šumarstvo može se imenovati lice koje ima završen šumarski fakultet (diplomirani inženjer šumarstva/master šumarstva i najmanje pet godina radnog iskustva u struci nakon završenog visokog obrazovanja“.

## **IZJAŠNJENJE** Amandman se prihvata

## **AMANDMAN XXVII**

Član 67. mijenja se i glasi:

- (1)Uprava za šumarstvo je dužna osigurati zaštitu šuma i šumskog zemljišta u vlasništvu države - čuvanje šuma od šumske požare i drugih elementarnih nepogoda, biljnih bolesti i štetočina, bespravnog prisvajanja i korištenja, kao i drugih protivzakonitih radnji, putem organizovane čuvarske službe”.
- (2)Čuvarska služba iz stava (1) ovog člana formira se unutar Uprave za šumarstvo po određenim čuvarskim reonima. Čuvarsku službu obavljaju čuvari šuma koje za to ovlasti Uprava za šumarstvo.
- (3)Čuvarsku službu obavljaju čuvari šuma koje za to ovlasti Uprava za šumarstvo
- (4) Čuvari šume mogu biti lica koja su završila srednju šumarsku školu III. ili IV. stepen, koja ispunjavaju uslove za nošenje oružja. (6) Čuvari šuma su ovlaštena službena lica.
- (5) Čuvari šuma službu obavljaju u uniformi, moraju biti naoružani i moraju posjedovati dokument - legitimaciju čuvara šuma kojim potvrđuju status čuvara šuma. Legitimaciju imaju i druga stručna lica koja imaju ovlaštenje za poslove zaštite šuma.
- (6)Uprava za šumarstvo dužana je putem čuvarske službe:
- a) čuvati šumu i šumska zemljišta u vlasništvu države od bespravnog zauzimanja i korištenja, od nezakonitih sječa, sprječava bespravnu izgradnju u šumi i na šumskim zemljištima; b) evidentirati nezakonito posjećena stabla u propisane obrasce, obročavati ih i žigosati šumskim čekićem šumske štete; c) pratiti pojave i kretanje biljnih bolesti i štetočina i štete nanesene šumi od divljači; d) pratiti stanje divljači; e) pratiti održavanje šumskog reda; f) sprječavati nezakonito pokretanje drveta iz šume, ubiranje i sakupljanje nedrvnih proizvoda i stavljanje istih u promet; g) zaustavljati prijevozna sredstva i pregledati prateću dokumentaciju za prijevoz drvnih i nedrvnih šumskega proizvoda na šumskim, lokalnim i regionalnim putevima koji prolaze kroz dijelove i/ili komplekse šume i šumskog zemljišta i vršiti kontrolu klasiranja drvnih proizvoda u skladu s važećim standardima; h) kontrolisati porijeklo drveta u pogonima za preradu drveta i na svim drugim mjestima gdje se drvo skladišti; i) pregledati sav transport na šumskim putevima; j) sprječavati istresanje, deponovanje i odlaganje smeća i drugog otpada u šumu i uništavanje graničnih znakova; k) sačinjavati zapisnik o protivpravnoj radnji s neophodnim podacima o izvršenoj radnji, izvršiocima i visini štete; l) legitimisati sva lica zatećena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovna sumnja da su izvršila takva djela, ako se ne može utvrditi identitet tih lica na drugi način; m) poduzimati mjere da bi se sačuvali tragovi krivičnog djela, predmeti na kojima je ili pomoću kojih je učinjeno krivično djelo i drugi dokazi o njima i n) obavještavati policijsku upravu i nadležnu šumarsku inspekciju o svim zapaženim nepravilnostima.
  - (7) Za sve nezakonite aktivnosti u skladu sa svojim dužnostima iz stava (6) ovog člana, čuvar šuma obavezan je bez odlaganja sačiniti zapisnik o protivpravnoj radnji s neophodnim podacima i izdati prekršajni nalog, odnosno putem kantonalne Uprave za šumarstvo podnijeti zahtjev nadležnom sudu za pokretanje prekršajnog postupka kada izdavanje prekršajnog naloga nije moguće ili pisane prijave nadležnom tužilaštvu za nezakonitu aktivnost koja ima

obilježje krivičnog djela, Na sadržaj, izgled, način izdavanja i vođenja evidencija izdanih prekršajnih naloga primjenjuju se odredbe Zakona o prekršajima („Službene novine Federacije BiH“, broj: 63/14).

- (8) Svako lice je dužno na zahtjev čuvara šuma pokazati lične isprave kojim se utvrđuje njen identitet i isprave za drvo i ostale šumske proizvode u prevozu ili uskladištene, kao i na zahtjev čuvara šuma drvo ili nedrvne proizvode stavljene u promet u suprotnosti sa članom 27. ovoga Zakona ostaviti na licu mjesta ili prevesti na određenu lokaciju radi uskladištenja istih.
- (9) Federalni ministar donosi pravilnik o načinu izvršavanja zadataka, obliku i sadržaju legitimacije, opremi i izgledu uniforme čuvara šuma i općim kriterijima za utvrđivanje čuvarskih reona.

### **IZJAŠNJENJE**

#### **Amandman se ne prihvata**

##### **Obrazloženje**

Zbog efikasnije zaštite šuma i šumskog zemljišta potrebno je da čuvarska služba bude u sastavu korisnika šuma. Korisnik šuma dužan je u roku od tri mjeseca od dana zaključivanja ugovora o prenosu poslova gospodarenja šumama u vlasništvu države preuzeti zaposlenike koji su bili zaposleni u kantonalnim upravama za šumarstvo na poslovima neposredne zaštite šuma bez javnog poziva i rasporeediti ih na odgovarajuće poslove, a u skladu sa stručnom spremom i radnim iskustvom. Na taj način zaposlenici iz kantonalnih uprava koji su bili angažovani na poslovima čuvanja šuma neće ostati bez posla.

### **AMANDMAN XXVIII**

Član 70 stav (7) mijenja se i glasi:

„Kontrolu uplate naknade iz stava (3) ovog člana provodi Porezna uprava Federacije BiH i šumarska inspekcija“.

### **IZJAŠNJENJE**

#### **Amandman se prihvata**

##### **Obrazloženje**

Ovaj amandman se prihvata. Ovaj član se mijenja i amandmanom Vlade Federacije Bosne i Hercegovine kojim se uvodi druga osnovica za obračune naknade za općekorisne funkcije šuma, ali predviđa se da kontrolu obračuna vrši i šumarski inspektor.

Obzirom da je ovaj amandman prihvaćen potrebno je i u čl. 77., 78. i 83. Zakona dodati ovlasti šumarskom inspektoru, propisati kaznenu odredbu i ove članove dopuniti na sljedeći način:

U članu 77. stav (1) iza tačke o) dodaje se tačka p) koja glasi:

„p) vrši kontrolu uplate naknade za općekorisne funkcije šume.“

U članu 78. stav (1) iza tačke o) dodaje se tačka p) koja glasi:

„p) vrši kontrolu uplate naknade za općekorisne funkcije šume.“

U članu 88. stav (1) dodaje se nova tačka i) koja glasi:

„i) ne plaća naknadu za općekorisne funkcije šume iz člana 70. stav (1) ovog Zakona.“

### **AMANDMAN XXIX**

Član 97. se briše.

### **IZJAŠNJENJE**

#### **Amandman se ne prihvata**

##### **Obrazloženje**

Ovaj amandman se ne prihvata iz razloga navedenih za amandmane XXV i XXVII.

## **AMANDMAN XXX**

Član 99. stav (2) se briše.

### **IZJAŠNJENJE**

#### **Amandman se ne može prihvati**

#### **Obrazloženje**

Smatramo da je potrebno i ovim zakonom propisati koji su to stručni poslovi u oblasti šumarstva iz Prijedloga zakona koje će obavljati Institut za šumarstvo.

## **AMANDMAN XXXI**

Član 100. se briše:

„Broj zaposlenika kod korisnika šuma dvije godine nakon stupanja na snagu ovoga Zakona može iznositi najviše jedan zaposleni na  $700 \text{ m}^3$  etata, a pet godina nakon stupanja na snagu ovoga Zakona može iznositi najviše jedan zaposleni na  $1.000 \text{ m}^3$  etata. Etat je utvrđen šumskoprivrednim osnovom”.

### **IZJAŠNJENJE**

#### **Amandman se može prihvati**

V. broj: 1142 /2022  
28.07.2022. godine  
Sarajevo

